

Interview بعض الاسئلة المهمة جدا لأى محاسب ( حديث التخرج ) فى  
ايه الفرق بين الميزانية والمركز المالي ؟؟؟- 1

.. طبعا سؤال سهل

المركز المالي : هو قائمة توضح أصول وخصوم المنشأة ... يعني حقوق  
والتزامات المنشأة ... يعني ايه اللي للمنشأة وايه اللي عليها ... فى أي يوم  
فى السنة .

يعنى فى أي يوم نجي نروح عاملين موقف للمنشأة عارفين ايه اللي ليها  
وايه اللي عليها ونحطه فى صورة قائمة تبقى دي اسمها المركز المالي

طب ايه هي الميزانية العمومية ؟

..... هي : مركز مالي

ايه مركز مالي ... يعني أصول وخصوم المنشأة ... حقوق والتزامات  
المنشأة

طب ايه الفرق ؟ الفرق ان الميزانية العمومية هي مركز مالي للمنشأة فى  
نهاية السنة المالية. يعنى فى نهاية السنة المالية فى آخر يوم فى  
2006/12/31 مثلا بنعرف حقوق والتزامات المنشأة فتبقى اسمها الميزانية  
العمومية

---

## ايه الفرق بين الميزانية والموازنة ؟؟؟-2

الميزانية العمومية : هي زي ما قلنا عبارة عن قائمة توضح أصول وخصوم المنشأة ... حقوق والتزامات المنشأة في نهاية السنة المالية وبتكون معها الحسابات الختامية ( ح / المتاجرة وحـ/ الأرباح والخسائر ) اللي بيوضحوا نتيجة نشاط المنشأة من ربح أو خسارة عن الفترة المالية السابقة .

يعني ايه ؟؟! يعني ان الحسابات الختامية هي اللي بتوضح مصروفات السنة اللي فاتت الفعلية وايرادات السنة اللي فاتت الفعلية لكن الميزانية العمومية توضح حقوق والتزامات المنشأة في نهاية السنة

## طب ايه هي الموازنة ؟؟؟

الموازنة التقديرية : هي عبارة عن تقدير لايرادات ومصروفات المنشأة للسنة القادمة أو لعدة سنوات قادمة

-----

-----

## ايه الفرق بين المصروفات الايرادية والمصروفات الرأسمالية ؟؟؟-2

: أولاً نحب نعرف ايه هو المصروف

فلوس بادفعها ) في سبيل الحصول على --> هو عبارة عن نفقة ( يعني

.ايراد

يعني بادفع مثلا ايجار للمحل ... ليه ؟؟ علشان أبيع منه واحصل على  
.الايراد

بادفع مثلا أجور ومرتبات للعاملين ... ليه ؟؟ علشان ينتجوا واحصل على  
.الايراد

.يبقى المصروف بادفعه في سبيل الحصول على الايراد

. المصروف الايرادية : هو مصروف يحقق الايراد في نفس السنة المالية

المصروف الرأسمالي : هو مصروف يحقق الايراد في عدة فترات مالية  
. ويؤدي إلى زيادة الطاقة الانتاجية للمنشأة

يعني مثلا : مصروف الأجور والمرتبات بتدفع كل شهر عن عمل  
الموظفين عن الشهر يعني كل شهر بيأخذو مرتباتهم فيها بيدخلوا للمنشأة  
ايراد في نفس الشهر ..... يبقى مصروف الأجور والمرتبات مصروف  
. ايرادي

ومثلا : م الدعاية والإعلان ... الشركة مثلا عملت حملة اعلانية ضخمة  
استفادت بها المنشأة على كذا سنة .. يعني ساعدت على تحقيق الايرادات  
. خلال عدة سنوات ... يبقى المصروف ده مصروف رأسمالي

-: مثال تاني

مصروف الصيانة ... عملنا صيانة للألات والمعدات للمنشأة علشان ترجع  
تنتج تاني يبقى المصروف ده مصروف إيرادي

طب لو جينا عملنا صيانة للألات مش علشان ترجع تشتغل تاني بس ولكن  
تزيد طاقتها الانتاجية ... يعني بدل ما تنتج مثلا عشر وحدات خليناها تنتج  
15 وحدة يعن زودنا كفاءتها الانتاجية والزيادة دي مش هتكون في أول سنة  
بس؟؟ لا طبعا ... في السنين المتتالية اللي بعديها . يبقى المصروف ده في  
هذه الحالة مصروف رأسمالي

-----  
ما الفرق بين المخصص والاحتياطي؟؟ -4

... أولا : نحب نقول لكم على حاجة الأول

أي منشأة صاحبها بيعملها علشان يكسب من ورائها أرباح يستفيد بيها ....  
وعلشان صاحب المنشأة أو الشركة مش يفضل يسحب فلوس من الشركة  
لحد ما تتعدى رأس ماله ... حددنا في المحاسب جزء أو ( حساب بمعنى  
المحاسبين ) هو ده بس اللي يسحب منه .... لأن بعد كده هيبدا يستهلك  
رأسماله في الشركة .... وطبعا لو فضل على الحالة دي (( يعني يسحب  
من رأسماله )) هيفاجأ إن الشركة مش بتاعته بقت بتاعة الدائنين اللي  
عاوزين حقوقهم .... وبالتالي هيعلن افلاسه

علشان كده قلنا لازم نخلي حساب خاص للأرباح هو بس اللي يتسحب منه  
الفلوس .

يعني ممكن نعرف الأرباح : على أنها الزيادة في حقوق الملكية لأصحاب  
المنشأة .

وأیضا ممكن نعرف الخسائر : على أنها النقص في حقوق الملكية لأصحاب  
المنشأة .

نرجع لموضوعنا ... الفرق بين المخصص والاحتياطي

المخصص والاحتياطي ... الاثنین مبلغ يستقطع من الربح لمواجهة خسارة  
متوقعة .

واحنا طبعا عارفين مبدأ الحيطة والحذر : اللي هو إنه ينبغي على الشركة  
تحطاط لكل خسارة متوقعة وتحذر من كل إيراد غير محقق

الفرق إن المخصص بيتم تكوينه في حالة تحقق ربح أو تحقق خسارة يعني  
جبري ( فرضته مبادئ ومعايير المحاسبة لكن الاحتياطي لا يتم تكوينه إلا  
في حالة وجود أرباح فقط ويكون اختياري على المنشأة ( إلا البنوك  
وشركات التأمين

فرق تاني إن المخصص بيكون لمواجهة خسارة حقيقة أو متوقعة بنسبة

كبيرة ( مثل مخصص الاهلاك

أما الاحتياطي سيكون لمواجهة خسارة متوقعة ولكن احتمال وقوعها ضئيل  
(مثل مخصص ارتفاع أسعار الأصول الثابتة ) يعني سيكون لتدعيم المركز  
المالي.

-----

----

ما هو الحساب الذي لا يظهر ضمن ميزان المراجعة؟؟ -5

..... الله ... يا سلام ... سؤال سهل جدا

أولا : لازم نعرف الحسابات اللي بتظهر في ميزان المراجعة بتظهر ليه  
!؟؟ لأن ميزان المراجعة محصلة وملخص لعمليات سابقة عليه هي مراحل  
:- نظام المحاسبة اللي هي

--- تسجيل الأحداث المالية في قيود يومية >----- تجميع الأحداث المالي  
تليخص >----- تبويب الأحداث المالي في ح/ الأستاذ >-----  
اعمليات السابقة في ميزان المراجعة

طب ايه هو الحساب أو البند الذي لا يمر بكل هذه المراحل ....؟؟؟

بضاعة آخر المدة .... لأنها تكون نتيجة جرد وليس نتيجة قيد يومية ، يعني  
بيتم جرد البضاعة وتقييمها ثم وضع قيمتها مرة دائن في ح/ المتاجرة  
ومرة مدينة في الميزانية العمومية تحت بند الأصول المتداولة

إيه الفرق بين الكمبيالة والسند الاذني؟؟ -6

أولا : الكمبيالة والسند الاذني بيطلق عليهما الأوراق التجارية ... وهما  
.... وسيلة من وسائل الائتمان التجاري

حاسب ... حاسب ياعم انت ايه الكلام الكبير ده ... وحده وحده علينا ... ايه  
الائتمان التجاري ده؟؟؟

الائتمان التجاري ده : عبارة عن تأخير دفع ثمن البضاعة المشتراة وذلك  
لحد ما يتحسن الحال ... بيستفيد بها التجار المشترين في توفير سيولة لوقت  
مؤقت ... وبيستفيد بها التجار الباعين في جذب المشترين وترويج  
بضاعتهم .

طب ايه الفرق بين الكمبيالة والسند الاذني ؟

الكمبيالة عبارة عن أمر كتابي يصدر من الدائن إلى المدين بطلب فيه دفع  
مبلغ معين إلى الدائن أو إلى شخص ثالث المستفيد وذلك فور الاطلاع عليها  
..... أو في تاريخ معين ... يعني

حسين اشترى بضاعة من محمد بالأجل

يبقى حسين مدين ومحمد دائن  
يجي محمد يقول لحسين اكتب لي كمبيالة مقابل البضاعة  
عبارة عن ايه الكمبيالة محمد يأمر حسين بأنه يدفع مبلغ الكمبيالة في تاريخ  
.. معين ويمضي عليها حسين انه موافق على الدفع

محمد بقى ممكن يأخذ هو الفلوس دي .... أو ممكن يبقى هو مدين لشخص  
ثالث عبد الله مثلا فيروح كاتب اسم عبدالله على الكمبيالة ويروح عبد الله  
. لحسين علشان ياخذ فلوسه منه

يبقى الكمبيالة ليها ثلاث أطراف

- 1- حسين المدين ( المسحوب عليها ) هو اللي هيدفع الفلوس لأي حد يجيب له الكمبيالة
- 2- محمد الدائن ( الساحب ) هو ده الدائن الأول لحسين اللي حرر الكمبيالة مع حسين
- 3- عبد الله الدائن لمحمد ( المستفيد ) وهو اللي هيقبض الفلوس من حسين

:: ملحوظة

ممكن محمد يكون هو المستفيد يعني ممكن يقبض هو الفلوس بتعاته على  
طول من حسين  
وممكن عبد الله يكتب اسم شخص رابع دائن لعبد الله وهو اللي يروح  
....يصرف الفلوس من حسين وهكذا

السند الاذني : هو تعهد كتابي يتعهد فيه المدين بدفع مبلغ معين للدائن في تاريخ محدد.

يعني يتعهد حسين المدين ( المسحوب عليه ) بدفع مبلغ لمحمد الدائن الأصلي لحسين ( المستفيد ) في تاريخ معين  
يبقى الفرق إن أطراف الكمبيالة ثلاثة والسند الاذني اثنين فقط

-----

إيه الفرق بين أوراق القبض وأوراق الدفع؟؟ -7

أوراق القبض وأوراق الدفع يطلق عليها الأوراق التجارية ... وهي  
...الكمبيالة والسند الاذني

بس الفرق إنه لما يكون المسحوب عليه في الكمبيالة والسند الاذني هو الشركة أو المنشأة تبقى دي أوراق دفع تظهر ضمن الخصوم المتداولة في قائمة المركز المالي أو الميزانية

أما لو كان المستفيد من الكمبيالة والسند الاذني الشركة أو المنشأة تبقى دي أوراق قبض بتظهر ضمن الأصول المتداولة في قائمة المركز المالي أو الميزانية

يعني لو هنقبض من الورقة التجارية تبقى أوراق قبض لكن لو هندفع تبقى  
أوراق دفع .

-----

ايه الفرق بين أوراق القبض وبين الأوراق المالية ??? -8

علشان يكون في العلم أوراق القبض والأوراق المالية هي من الأصول  
المتداولة

أوراق القبض زي ما عرفنا هي الكمبيالة أو السند الاذني اللي بيكون  
المستفيد فيها هي الشركة أو المنشأة

لكن الأوراق المالية هي الأسهم والسندات اللي بتشتريها المنشأة علشان  
-. تأخذ عائد من ورائها

هل المبيعات مدينة أم دائنة ??? -9

أولا ما هي أنواع الحسابات ??

:- أنواع الحسابات هي

-----

حسابات حقيقية : وهي الحسابات التي تعبر عن شي حقيقي يمكن جرده >  
ويمكن التصرف فيه - بالبيع مثلا - وهي مثل ( الأصول الثابتة ) ( مخزون

( البضائع ) ( الأوراق التجارية والمالية ) ( النقدية بالصندوق والبنوك )

حسابات شخصية : وهي المتعلقة بالأشخاص ، والأشخاص نوعين >  
شخص حقيقي مثل ( محمد ، علي ، حسين ، ..... وهكذا ) وشخص  
( معنوي مثل ) شركة .... ، مصلحة ..... ، مؤسسة .... ، ..... وهكذا

حسابات وهمية أو اسمية : وهي عكس > -----  
الحقيقية أي لا يمكن جردها ولا يمكن التصرف فيها لا بالبيع أو بالشراء .  
وهي مثل ( المصروفات والإيرادات ) فمثلا ح/ الأيجار هل يمكن عده أو

، . جرده هل يمكن أن أبيع شوية أيجار  
وأیضا مثل ( الخسائر والأرباح ) هل يمكن عد أو جرد الخسائر أو الأرباح  
( لا يمكن طبعا . وأیضا مثل ( المشتريات والمبيعات

ایه لا استنى لحظة ... ازاي المشتريات والمبيعات لا يمكن جردها؟؟؟ هي  
!!مش بضاعة؟؟

لا .. لا ... ح/ المشتريات وح/ المبيعات مش بضاعة هي عبارة عن قيم  
للبضاعة والدليل ان احنا مش خليناهم في حساب واحد لأن المشتريات  
بسعر التكلفة والمبيعات بسعر البيع فلا يمكن أن يوضعوا في حساب واحد  
وبالتالي فد/ المشتريات هي عبارة عن حساب أسمى فقط تم عمله لمعرفة  
قيمة البضاعة المشتراه بسعر الشراء أو التكلفة ، وح/ المبيعات عبارة عن  
حساب أسمى فقط تم عمله لمعرفة قيمة البضاعة المباعة بسعر البيع ،  
فالحسابين لا يعبران عن شيء حقيقي

نرجع للسؤالنا ايه هو الحساب المدين من الدائن

جميع الحسابات الحقيقية مدينة \*\*

أما الحسابات الشخصية فهي مدينة لو أخذت ودائنة لو أعطت يعني \*\*  
بالبلدي لو واحد أخذ منك فلوس هيبقى ايه؟؟ ... طبعا مدين ، ولو واحد  
أعطاك فلوس هيبقى ايه؟؟؟.... طبعا دائن

أما الحسابات الوهمية أو الأسمية \*\*

بالنسبة للمصروفات والخسائر والمشتريات كلها مدينة  
وبالنسبة للإيرادات والأرباح والمبيعات كلها دائنة

-----

-----

عرف الدورة المستندية وأعطي مثلا منها؟؟؟-10

الدورة المستندية : من أسمها كده نعرف ان هي بتتكلم عن حركة المستندات  
داخل الشركة . وكون ان هي دورة لان حركتها داخل أي منشأة تتابع دورة  
الفلوس والأموال داخل الشركة

... يعني ايه ياعم انت

يعني أنا لم أدفع فلوس علشان أشتري بضاعة وأدفع مصروفات وبعدين أبدأ  
أبيع وأستلم فلوس البيع علشان تبدأ تاني عملية اني أدفع فلوس وأشتري

## بضاعة ..... وهكذا

جميع المستندات التي تدل على اثبات جميع هذه الحركات تسمى بالدورة  
المستندية

-: وهي عبارة عن ايه

عند دفع الفلوس يتم تحرير ايصال صرف نقدية معتمد من المدير >---  
المالي والمدير العام للشركة ويوقع مستلم الفلوس على الايصال ( هي سايبية  
( ولا ايه

عند شراء بضاعة فهناك فاتورة مشتريات بقيمة هذه البضاعة وإذن >---  
اضافة بالمخازن لاثبات استلام البضاعة ووضعها داخل مخازن الشركة  
ومتنسوش التوقيع والاعتماد من مدير المشتريات والمدير العام  
عند بيع البضاعة هناك فاتورة مبيعات من الشركة للعميل وكمان اذن >---  
صرف من المخازن يثبت أن البضاعة تم صرفها والعميل وقع على أنه  
استلمها

عند استلام فلوس من من أحد العملاء أو من المبيعات النقدية يتم تحرير >---  
. ايصال استلام نقدية ويوقع عليه أمين الخزينة  
وهكذا >---

(ما هي طريقة تقييم المخزون؟؟؟) طريقة التكلفة أو السوق أيهما أقل -11

،،، ولكن **للمحاسبين** هذا السؤال كثيرا ما يتردد في أي انتر فيو

خلي بالك في سؤال ثاني في نفس الموضوع ناس كثير بتتلخبط بينهم وهو

...

ما هي طرق تسعير المخازن ؟؟؟-12

وطبعا الفرق إن السؤال الأول بيتكلم عن طريقة تقييم المخزون والمقصود بالمخزون هنا يعني بضاعة آخر المدة ... يعني لما نيجي نجرد البضاعة طبعا بنجردها كميات ... طب وايه اللي هيحصل بعد كده ؟؟ طبعا لازم ندي قيمة وسعر لهذه البضاعة ... هو ده اللي بنسميه طريقة تقييم المخزون

والطريقة المتبعة والسائدة هنا هي طريقة التكلفة أو السوق أيهما اقل  
!!!ازاي؟؟؟

يعني بعد ما جردنا نأخذ آخر سعر للبضاعة دي اللي احنا اشترناها بيه ونقارن بينه وبين سعرها في السوق الأقل هو ده اللي احنا هنسعر بيه  
البضاعة الموجودة في المخازن آخر المدة.

طب ايه معنى السؤال الثاني ؟؟؟

السؤال الثاني بيتكلم عن طرق تسعير المخازن ،، يعني البضاعة لما تخش المخازن بتدخل بسعر الشراء اللي احنا اشترناها بيه وبعد كام يوم نشترى بضاعة تانية ولكن بسعر أعلى شوية وبعد كام يوم تانيين السعر زاد ثاني وممكن يقل ( ما هو مفيش أمان اليومين دول ) ، ولكن لما بتتصرف من

. المخزن بتطلع بأي سعر ؟؟؟ لان السعر مش ثابت كل يوم بيتغير

-: وهنا هناك ثلاث طرق لتسعير البضاعة في المخازن وهي

أولا: الوارد أولا يصرف أولا

...ايه ده أولا في كله

يعني البضاعة لما بتدخل في المخازن بسعر نبدا نصرف منها بنفس السعر الأول اللي احنا اشترينا بيه لحد لما تخلص الكمية وبعدين نخش على الكمية والسعر اللي بعده وهكذا

مثلا:

اشترينا 5 كمبيوترات بسعر 2500 جنيه للجهاز ودخلوا المخزن وبعدين اشترينا 3 كمبيوترات تانيين ولكن بسعر 2600 جنيه للجهاز ودخلتاهم المخزن أول ما نيجي نصرف مثلا 4 كمبيوترات من المخزن هيكونوا بسعر 2500 جنية سعر أول بضاعة خرجت ولو جينا صرفنا 2 كمبيوتر تانيين من المخزن هيكون واحد بسعر 2500 وواحد بسعر 2600 يعني نفضل ناخذ سعر أول بضاعة جاية لحد لما تخلص الكمية اللي عندنا

ثانيا : الوارد أخيرا يصرف أولا

وهي عكس الطريقة الأولى يعني نصرف من المخزن البضاعة بسعر آخر  
بضاعة دخلت المخزن لحد لما تخلص الكمية وبعدين نخش على الكمية اللي  
قبلها وهكذا .

: مثلا

في حالتنا السابقة دي

اول لما نيجي نصرف أربع كمبيوترات من المخازن هنصرف 3  
كمبيوترات بسعر 2600 جنية وبعدين نصرف كمبيوتر واحد بسعر 2500  
جنية يعني صرفنا بآخر سعر دخل المخزن لحد ما خلصت الكمية وبعدين  
أخذنا بسعر اللي قبله وهكذا  
وأول لما نصرف 2 كمبيوتر من المخزن هنصرفهم بسعر 2500 جنيه

ثالثا : طريقة متوسط السعر

يعني بالبلدي نأخذ متوسط سعر بين اللي الاثنين يعني نجمع السعر الأول +  
السعر الثاني ونقسمهم على 2

: مثلا

في حالتنا السابقة دي

أول لما نيجي نصرف الأربع كمبيوترات من المخازن نصرفهم بسعر  
... 2550 جنية وهو ده متوسط السعر بين الاثنين حسبناها ازاي كد هو

$$2500+2600$$

$$\frac{\text{-----}}{2} = 2550$$

ولما نصرف 2 كمبيوتر تانين نصرفهم بسعر 2550 برضو  
ولمانشترى مثلا 3 كمبيوترات تانين بسعر 2700 جنية اذن يتم الصرف  
بسعر 2625 جنية ازاي

$$\frac{2550+2700}{2} = 2625$$

وهكذا

: وهنا نكون عرفنا أيضا الفرق بين المخزون والمخزن

الفرق إن المخزون ده عبارة عن البضاعة الموجود داخل المخزن آخر  
المدة  
أما المخزن فهو المكان نفس اللي بتتخزن فيه البضاعة يعني لما تدخل فيه  
بضاعة بيكون مدين ولما بتتصرف منه بيكون دائن

-----

13 - ما الفرق بين ( Perpetual Inventory System & Periodic  
Inventory System ) ؟؟؟

هذا السؤال أورده أحد الأخوة الأفاضل اتعرض عليه في انتر فيو ،، أولا

عاوزين نعرف ايه معنى كل مصطلح منهما؟

Perpetual Inventory System

(( ويعني )) نظام الجرد المستمر

Periodic Inventory System

(( ويعني )) نظام الجرد الدوري

ايه الفرق بين النظامين؟؟

نظام الجرد المستمر هو ان الشركة بتعمل حساب ضمن حسابات 1- الشركة هو ح/المخزن ،، هذا الحساب يدخل فيه حركة المخزن كلها يعني عند شراء المنتجات ودخولها المخزن بنقول

من ح/المخزن

إلى ح/ (( الحدث المكمل ليه )) وليكن الخزينة \_\_\_\_\_

وعند صرف البضاعة وبيعها وخروجها من المخزن بنقول

من ح/ (( الحدث المكمل ليه )) وليكن العملاء

إلى ح/المخزن \_\_\_\_\_

. يعني بنفضل نقيده كل حركة بتحدث على البضاعة (( المخزن )) يوم بيوم

أما نظام الجرد الدوري هو أن الشركة تعمل حساب مستقل لكل حدث -2  
على المخزن .

يعني عند شراء المنتجات ودخولها الشركة بنقول

من ح/ المشتريات

عند البيع نقول

إلى ح/ المبيعات

عند رد المبيعات نقول

من ح/ مردودات المبيعات

عند رد المشتريات نقول

إلى ح/ مردودات المشتريات

. وفي نهاية السنة بنعمل جرد للمخزون ويكون هو ده مخزون آخر المدة

المهم النظام الأول وهو نظام الجرد المستمر يستخدم غالبا في الشركات -3  
الصناعية وعند الصرف من المخزن بنصرف خامات بتدخل في العملية

الانتاجية فيكون القيد كما يلي

من ح/ التشغيل  
( إلى ح/ المخزن ) خامات \_\_\_\_\_

يعني بنقل حساب المخزن في حساب التشغيل

أما نظام الجرد الدوري فغالبا يستخدم في الشركات والمؤسسات التجارية